





CANTUS PASSIONIS



CHRISTUS





CANTUS PASSIONIS

DOMINI NOSTRI JESU CHRISTI

SECUNDUM

MATTHÆUM, MARCUM, LUCAM ET JOANNEM

EX EDITIONE AUTHENTICA EXCERPTUS

FASCICULUS II

CHRISTUS



LIBRERIA EDITRICE VATICANA

MCMXLVIII


Concordat cum editione authentica originali.

In fidem, etc.

Ex Secretaria S. R. C., die 24 Martii 1948.

L. ✠ S.

† ALFONSUS CARINCI, Archiep. Séleucien. in Isauria,
S. R. C. Secretarius.




DOMINICA IN PALMIS

Passio Domini incipitur absolute: non dicitur Munda cor meum, non petitur benedictio, non deferuntur luminaria, nec incensum: non dicitur Dóminus vobiscum, nec respondetur Glória tibi, Dómine: et Celebrans, seu Diaconus, dum pronuntiat Pássio Dómini nostri, non signat librum, neque seipsum. Quod et in aliis diebus servatur, quando legitur Passio.



ássio Dómini nostri Jesu Christi secúndum Matthæum. In illo témpore: Dixit Jesus discípulis suis:

(1)



✠ Sci-tis qui-a post bí-du-um Pascha fi-et, et Fi-li-us hó-mi-nis



tra-dé-tur ut cru-ci-fi-gá-tur?

C. Tunc congregati sunt principes sacerdotum, et seniores populi in atrium principis sacerdotum, qui dicebatur Cáiphas: et consilium fecerunt ut Jesum dolo tenèrent, et occiderent. Dicebant autem: **S.** Non in die festo, ne forte tumultus fieret in populo. **C.** Cum autem Jesus esset in Bethánia in domo Simónis leprosi, accessit ad eum mulier habens alabástrum


(1) Notula ista quæ « custos » dicitur, post clavem posita est, ut singuli cantores facilius tonum convenientem invenire possint.

unguēti pretiōsi, et effūdīt super caput ipsius recumbētis. Vidētes autem discipuli, indignāti sunt, dicētes: **S.** Ut quid perditio hēc? pōtuit enim istud venūdari multo, et dari paupéribus. **C.** Sciens autem Jesus, ait illis.




✠ Quid mo- lé-sti estis hu- ic mu- lí- e- ri? o- pus e- nim bo- num
o- pe- rá- ta est in me. Nam semper páu- pe- res ha- bé- tis vo- bī- scum:
me autem non semper ha- bé- tis. Mit- tens e- nim hēc unguē- tum hoc
in corpus me- um, ad se- pe- lí- endum me fe- cit. Amen di- co
vo- bis, u- bi- cū- que prae- di- cá- tum fú- e- rit hoc Evangé- lí- um in
to- to mundo, di- cé- tur et quod hēc fe- cit in memó- ri- am e- jus.

C. Tunc ábiit unus de duódecim, qui dicebátur Judas Iscariótes, ad principes sacerdotum, et ait illis: **S.** Quid vultis mihi dare, et ego vobis eum tradam? **C.** At illi constituérunt ei triginta argénteos. Et exinde quærébat opportunitátem ut eum tráderet. Prima autem die azymórum accessérunt discipuli ad Jesum, dicētes: **S.** Ubi vis parémus tibi comédere pascha? **C.** At Jesus dixit:



✠ I- te in ci- vi- tá- tem ad quemdam, et di- ci- te e- i: Ma- gí-



ster di-cit: Tempus me-um pro-pe est, a-pud te fá-ci-o pascha




cum di-scí-pu-lis me- is.

C. Et fecérunt discípuli, sicut con-
stituit illis Jesus, et paravérunt pa-
scha. Véspere autem facto, discum-
bébat cum duódecim discípulis suis.
Et edéntibus illis, dixit:



✠ Amen di-co vo-bis, qui-a unus vestrum me tra-di- tú-rus est.

C. Et contristáti valde, cœpérunt singuli dícere: **S.** Numquid ego
sum, Dómine? **C.** At ipse respóndens, ait:



✠ Qui in-tíngit me-cum ma-num in pa-rópsi-de, hic me tra-det.



Fi-li-us quidem hómi-nis va-dit, sic-ut scriptum est de il-lo:



væ autem hómi-ni il-li, per quem Fi-li-us hómi-nis tra-dé-tur:



bo-num e-rat e-i si na-tus non fu-isset homo il-le.


C. Respóndens autem Judas, qui trádidit
eum, dixit: **S.** Numquid ego sum, Rabbi?

C. Ait illi:



✠ Tu dí-xi-sti.

C. Cœnántibus autem eis, accépit Jesus panem, et benedíxit, ac
fregit, deditque discípulis suis, et ait:



✠ Acci-pli-te, et comé-di-te: hoc est cor-pus me-um.

C. Et accípiens cálicem, grátias egít: et dedit illis, dicens:



✠ Bí-bi-te ex hoc omnes. Hic est e-nim sanguis me-us no-vi



testaménti, qui pro mul-tis effundé-tur in remissi-ónem pecca-



tó-rum. Di-co autem vo-bis: non bi-bam ámo-do de hoc ge-ní-



mi-ne vi-tis, usque in di-em il-lum, cum il-lud bi-bam vo-bíscum



no-vum in regno Pa-tris me-i.

C. Et hymno dicto, exiérunt in montem Olivéti. Tunc dicit illis Jesus:




✠ Omnes vos scánda-lum pa-ti-émi-ni in me, in í-sta nocte.




Scrip-tum est e-nim: Percú-ti-am pastó-rem, et dispergéntur




o-ves gre-gis. Postquam au-tem re-surré-xe-ro, præ-cé-dam vos




C. Respóndens autem Petrus, ait illi:
S. Et si omnes scandalizáti fúerint in te,
 ego numquam scandalizábor. **C.** Ait illi
 Jesus:




C. Ait illi Petrus: **S.** Etiam si opor-
 túerit me mori tecum, non te negábo.
C. Simíliter et omnes discípuli dixerunt.
 Tunc venit Jesus cum illis in villam, quæ
 dicitur Gethsémani, et dixit discipulis suis:



C. Et assúpto Petro, et duóbus
 filiis Zebedæi, cœpit contristári, et
 mœstus esse. Tunc ait illis:



C. Et progréssus pusillum, prócidit in fáciem suam, orans, et dicens



C. Et venit ad discípulos suos, et invénit eos dormiéntes: et
 dicit Petro:

BEG/11



✠ Sic non po-tu- í-stis u-na ho-ra vl-gi-lá-re me-cum? Vi-gi-lá-te,



et o-rá-te, ut non intré-tis in tenta-ti- ó-nem. Spí-ri-tus



quidem promptus est, ca-ro au-tem in- firma.

C. Iterum se-
cúndo ábiit, et
orávit, dicens:



✠ Pa- ter mi, si non po-test hic ca-lix transí-re, ni-si bi-bam



il-lum, fi- at vo-lúntas tu- a.

C. Et venit iterum, et invénit
eos dormiéntes: erant enim óculi
eórum graváti. Et relictis illis, íte-
rum ábiit, et orávit tértio, eúmdem
sermónem dicens. Tunc venit ad discípulos suos, et dicit illis:



✠ Dor-mí-te jam, et re-qui- é-sci-te: ecce appro-pinquá-vit



ho-ra, et Fí-li-us hó-mi-nis tra-dé-tur in manus pecca- tó-rum.



Súr-gi-te, e- ámus: ecce appro-pinquávit qui me tra-det.

C. Adhuc eo loquente, ecce Judas unus de duódecim venit, et cum
eo turba multa cum gládiis, et fústibus, missi a princípibus sacerdo-
tum, et senióribus pópuli. Qui autem trádidit eum, dedit illis signum,
dicens: **S.** Quemcúmque osculátus fúero, ipse est, tenéte eum.

C. Et confestim accédens ad Jesum, dixit: **S.** Ave, Rabbi. **C.** Et osculatus est eum. Dixitque illi Jesus:

✠ A-mi-ce, ad quid ve-ni-sti?

C. Tunc accessérunt, et manus iniecérunt in Jesum, et tenuérunt eum. Et ecce unus ex his, qui erant cum Jesu, extendens manum, exémit gládium suum, et percútiens servum principis sacerdotum, amputávit aurículam ejus. Tunc ait illi Jesus:

✠ Convérte glá-di-um tu-um in lo-cum su-um. Omnes e-nim,

qui accé-pe-rint glá-di-um, glá-di-o per-í-bunt. An pu-tas, qui-a

non possum rogá-re Patrem me-um, et exhi-bé-bit mi-hi mo-do

plus quam du-ó-de-cim le-gi-ó-nes Ange-ló-rum? Quómo-do ergo

imple-búntur Scriptú-ræ, qui-a sic o-pór-tet fi-e-ri?

C. In illa hora dixit Jesus tur-bis:

✠ Tamquam ad latró-nem ex-í-stis cum glá-di-is,

et fú-sti-bus compre-hénde-re me: quo-tí-di-e a-pud vos se-



dé-bam do-cens in templo, et non me te-nu- i-stis.

C. Hoc autem totum factum est, ut adimpleréntur Scriptúræ prophe-tárum. Tunc discipuli omnes, relicto eo, fugérunt. At illi tenéntes Jesum duxérunt ad Cáiphám principem sacerdotum, ubi scribæ, et senióres convénierant. Petrus autem sequebátur eum a longe, usque in átrium principis sacerdotum. Et ingressus intro, sedébat cum minístris, ut vidé-ret finem. Príncipes autem sacerdotum, et omne concilium, quærébant falsum testimónium contra Jesum, ut eum morti tráderent: et non inve-nérunt, cum multi falsi testes accessissent. Novíssime autem venérunt duo falsi testes, et dixerunt: **S.** Hic dixit: Possum destrúere templum Dei, et post triduum reædificáre illud. **C.** Et surgens princeps sacerdotum, ait illi: **S.** Nihil respóndes ad ea, quæ isti advérsus te testificán-tur? **C.** Jesus autem tacébat. Et princeps sacerdotum ait illi: **S.** Adjúro te per Deum vivum, ut dicas nobis, si tu es Christus Filius Dei. **C.** Dicit illi Jesus:



✠ Tu di- xí-sti. Ve-rúmtamen di-co vo-bis, ámo-do vi-dé-bi-tis



Fí-li-um hómi-nis se-déntem a dextris virtú-tis De-i, et ve-




ni-éntem in nú-bi-bus cæ-li.

C. Tunc princeps sacerdotum scidit vestiménta sua, dicens: **S.** Blasphemávit: quid adhuc egé-mus téstibus? Ecce nunc audístis blasphemíam: quid vobis vidétur?

C. At illi respondéntes dixerunt: **S.** Reus est mortis. **C.** Tunc expué-runt in fáciem ejus, et cólaphis eum cecidérunt, álii autem palmas in fáciem ejus dedérunt, dicéntes: **S.** Prophetiza nobis, Christe, quis est qui te percússit? **C.** Petrus vero sedébat foris in átrio: et accessit ad eum una ancílla, dicens: **S.** Et tu cum Jesu Galilæo eras. **C.** At ille negávit coram ómnibus, dicens: **S.** Nescio quid dicis. **C.** Exeúnte autem illo jánuam, vidit eum ália ancílla, et ait his, qui erant ibi: **S.** Et hic erat cum Jesu Nazaréno. **C.** Et iterum negávit cum juraménto: Quia non novi hóminem. Et post pusíllum accessérunt, qui stabant, et dixé-runt Petro: **C.** Vere et tu ex illis es: nam et loquéla tua manifestum te facit. **C.** Tunc cœpít detestári, et juráre quia non novisset hómi-nem. Et continuo gallus cantávit. Et recordátus est Petrus verbi Jesu,

quod dixerat: Priusquam gallus cantet, ter me negabis. Et egressus foras, flevit amare. Mane autem facto, consilium iniérunt omnes principes sacerdotum, et seniores populi adversus Jesum, ut eum morti tráderent. Et vinctum adduxérunt eum, et tradidérunt Póntio Piláto præsidi. Tunc videns Judas, qui eum trádiderat, quod damnátus esset; poeniténtia ductus, rétulit triginta argénteos principibus sacerdotum, et senióribus, dicens: **S.** Peccávi, tradens sánguinem justum. **C.** At illi dixerunt: **S.** Quid ad nos? Tu videris. **C.** Et projectis argénteis in templo, recéssit: et ábiens, láqueo se suspéndit. Principes autem sacerdotum, accéptis argénteis, dixerunt: **S.** Non licet eos mittere in córbonam: quia prétium ságuinis est. **C.** Consilio autem íto, emérunt ex illis agrum figuli, in sepultúram peregrinórum. Propter hoc vocatus est ager ille, Hacéldama, hoc est, ager ságuinis, usque in hodiérnum diem. Tunc implétum est, quod dictum est per Jeremiam prophétam, dicéntem: Et accepérunt triginta argénteos prétium appretiáti, quem appretiavérunt a filiis Israël: et dedérunt eos in agrum figuli, sicut constituit mihi Dóminus. Jesus autem stetit ante præsidem, et interrogávit eum præsides, dicens: **S.** Tu es Rex Judæórum? **C.** Dicit illi Jesus:




✠ Tu di- cis.



C. Et cum accusarétur a principibus sacerdotum, et senióribus, nihil respóndit. Tunc dicit illi Pilátus:

S. Non audis quanta advérsus te dicunt testimónia? **C.** Et non respóndit ei ad ullum verbum, ita ut mirarétur præsides veheménter. Per diem autem solémnem consuéverat præsides pópulo dimittere unum vinctum, quem voluissent. Habébat autem tunc vinctum insígnem, qui dicebátur Barábbas. Congregátis ergo illis, dixit Pilátus: **S.** Quem vultis dimittam vobis: Barábbam, an Jesum, qui dicitur Christus? **C.** Sciébat enim, quod per invidiam tradidissent eum. Sedénte autem illo pro tribunáli, misit ad eum uxor ejus, dicens: **S.** Nihil tibi, et justo illi: multa enim passa sum hódie per visum propter eum. **C.** Principes autem sacerdotum, et seniores persuasérunt pópulis, ut péterent Barábbam, Jesum vero pérderent. Respóndens autem præsides ait illis: **S.** Quem vultis vobis de duóbus dimitti? **C.** At illi dixerunt: **S.** Barábbam. **C.** Dicit illis Pilátus: **S.** Quid ígitur fáciam de Jesu, qui dicitur Christus? **C.** Dicunt omnes: **S.** Crucifigátur. **C.** Ait illis præsides: **S.** Quid enim mali fecit? **C.** At illi magis clamábant, dicéntes: **S.** Crucifigátur. **C.** Videns autem Pilátus quia nihil proficeret, sed magis tumultus fieret: accépta aqua, lavit manus coram pópulo, dicens: **S.** Innocens ego sum a ságuine justí hujus: vos vidéritis. **C.** Et respóndens univérsum pópulus, dixit: **S.** Sanguis ejus super nos, et super filios nostros. **C.** Tunc dimisit illis Barábbam: Jesum autem flagellátum trádiderat eis, ut crucifigerétur. Tunc milites præsidis suscipiéntes Jesum in prætóríum, congregavérunt ad eum univérsum cohórtem: et exuéntes eum, chlámydem coccíneam circumdedérunt ei: et plecténtes coronam de spinis, posuérunt super

caput ejus, et arundinem in dextera ejus. Et genu fléxo ante eum, illudébat ei, dicéntes: *S.* Ave, Rex Judæórum. *C.* Et expuéntes in eum, accepérunt arundinem, et percutiébant caput ejus. Et postquam illusérunt ei, exuérunt eum chlámýde, et induérunt eum vestiméntis ejus, et duxérunt eum ut crucifigerent. Exeúntes autem, invenérunt hóminem Cyrenæum, nómine Simónem: hunc angariavérunt, ut tólleret crucem ejus. Et venérunt in locum, qui dicitur Gólgotha, quod est Calváriae locus. Et dedérunt ei vinum bibere cum felle mixtum. Et cum gustásset, nóluit bibere. Postquam autem crucifixerunt eum, divisérunt vestiménta ejus, sortem mitténtes: ut implerétur, quod dictum est per Prophétam, dicéntem: Divisérunt sibi vestiménta mea, et super vestem meam misérunt sortem. Et sedéntes, servábant eum. Et imposuérunt super caput ejus causam ipsius scriptam: Hic est Jesus Rex Judæórum. Tunc crucifixi sunt cum eo duo latrónes: unus a dextris, et unus a sinistris. Prætereúntes autem blasphemábant eum, movéntes cápita sua, et dicéntes: *S.* Vah, qui déstruis templum Dei, et in trídúo illud reædificas: salva temetípsu. Si Filius Dei es, descénde de cruce. *C.* Similiter et príncipes sacerdotu illudéntes cum scribis et senióribus, dicébant: *S.* Alios salvos fecit, seípsum non potest salvu fácere: Si Rex Israël est, descéndat nunc de cruce, et crédimus ei: confidit in Deo: liberet nunc, si vult eum; dixit enim: Quia Filius Dei sum. *C.* Idípsum autem et latrónes, qui crucifixi erant cum eo, impropérábant ei. A sexta autem hora ténebræ factæ sunt super univérsam terram usque ad horam nonam. Et circa horam nonam clamávit Jesus voce magna, dicens:



C. Hoc est:



C. Quidam autem illic stantes, et audiéntes, dicébant:

S. Eliam vocat iste. *C.* Et continuo currens unus ex eis, accéptam spóngiam implévit acéto, et impósuit arúndini, et dabat ei bibere. Céteri vero dicébant: *S.* Sine, videámus an véniat Elías liberans eum. *C.* Jesus autem iterum clamans voce magna, emisit spíritum.

Hic genuflectitur, et pausatur aliquantulum.

Et ecce velum templi scissum est in duas partes a summo usque deórsum: et terra mota est, et petræ scissæ sunt, et monuménta apérta sunt: et multa córpora sanctórum, qui dormierant, surrexérunt. Et exeúntes de monuméntis post resurrectionem ejus, venérunt in sanctam civitatem, et apparuérunt multis. Centúrio autem, et qui cum eo erant,

custodiéntes Jesum, viso terræmótu, et his, quæ fiébant, timuérunt valde, dicéntes: **S.** Vere Filius Dei erat iste. **C.** Erant autem ibi mulieres multæ a longe, quæ secútæ erant Jesum a Galilæa, ministrántes ei: inter quas erat María Magdaléne, et María Jacóbi, et Joseph mater, et mater filiórum Zebedæi. Cum autem sero factum esset, venit quidam homo dives ab Arimathæa, nómine Joseph, qui et ipse discipulus erat Jesu. Hic accéssit ad Pilátum, et pétiit corpus Jesu. Tunc Pilátus jussit reddi corpus. Et accépto córpore, Joseph invólvit illud in síndone munda. Et pósuit illud in monuménto suo novo, quod excíderat in petra. Et advólvit saxum magnum ad óstium monuménti, et ábiit. Erat autem ibi María Magdaléne, et áltera María, sedéntes contra sepúlchrum.

END

Hic dicitur Munda cor meum, petitur benedictio, defertur incensum sine luminaribus, et incensatur liber: non dicitur Dóminus vobíscum, et Celebrans aut Diaconus non signat librum, neque seipsum: et quod sequitur, cantatur in tono Evangelii: in cujus fine Celebrans osculatur librum, et incensatur. Quæ omnia et in aliis Passionibus seryantur, præterquam Feria VI in Parasceve.


Altera autem die, quæ est post Parascéven, convenérunt príncipes sacerdotum, et pharisæi ad Pilátum, dicéntes: Dómine, recordáti sumus, quia sedúctor ille dixit adhuc vivens: Post tres dies resúrgam. Jube ergo custodíri sepúlchrum usque in diem tértium: ne forte véniant discipuli ejus, et furéntur eum, et dicant plebi: Surréxit a mórtuis: et erit novíssimus error peior prióre. Ait illis Pilátus: Habétis custódiam, ite, custodíte sicut scitis. Illi autem abeúntes, muniérunt sepúlchrum, signántes lápidem, cum custódibus.



FERIA III

MAJORIS HEBDOMADÆ


Passio Dómini nostri Jesu Christi secúndum Marcum. In illo tēpore: erat Pascha, et ázima post bíduum, et quærébant summi sacerdótes et scribæ quómodo Jesum dolo tenérent et occíderent. Dicébant autem: **S.** Non in die festo, ne forte tumultus fieret in pópulo. **C.** Et cum esset Jesus Bethániæ in domo Simónis leprósi, et recúmberet: venit múlter habens alabástrum unguénti nardi spicáti pretiósi, et fracto alabástro, effúdit super caput ejus. Erant autem quidam indigne feréntes intra semetípsos, et dicéntes: **S.** Ut quid perditio ista unguénti facta est? Póterat enim unguéntum istud venúmdari plus quam trecéntis denáriis, et dari paupéribus. **C.** Et fremébant in eam. Jesum autem dixit:



✠ Sí-ni-te e-am: quid il-li mo-lé-sti estis? Bo-num opus ope-
rá-ta est in me. Semper e-nim páu-pe-res ha-bé-tis vo-bíscum:
et cum vo-lu-é-ri-tis, po-téstis il-lis be-ne-fá-ce-re: mé autem
non semper ha-bé-tis. Quod hábu-it hæc, fe-cit: prævé-nit únge-re
corpus me-um in sē-pul-tú-ram. Amen di-co vo-bis: U-bi-cúm-que



præ-di-cá-tum fú- e-rit Evangé-li- um istud in u-ni-vérso mundo,




et quod fe-cit hæc, narrá-bi-tur in memó-ri- am e-jus.

C. Et Judas Iscariótes, unus de duódecim, ábiit ad summos sacer-
dotes, ut próderet eum illis. Qui audiéntes, gavísi sunt: et promisé-runt
ei pecú-niam se datúros, et quærébat quómo-do illum oportúne tráderet.
Et primo die azymórum, quando pascha immolábant, dicunt ei discipuli:

S. Quo vis eá-mus, et parémus tibi, ut mandúces pascha?

C. Et mittit duos
ex discipulis suis, et
dicit eis:



✠ I- te in ci-vi-tá-tem: et occúrret vo-bis



homo la-gé-nam aquæ bá-ju-lans, se-quí-mi-ni e- um: et quo-



cúm-que intro- í- e-rit, dí-ci-te dó-mi-no domus, qui-a ma-gíster



di- cit: U-bi est re- fé-cti- o me- a, u-bi pascha cum disci-



pu- lis me- is mandú-cem? Et ipse vo-bis demonstrá-bit cœ-



ná-cu- lum grande, stra- tum: et il- lic pa- rá- te no- bis.

C. Et abiérunt discipuli ejus, et venérunt in civitatem: et invenérunt sicut díxerat illis, et paravérunt pascha. Véspere autem facto, venit cum duódecim. Et discumbéntibus eis, et manducántibus, ait Jesus:

✠ Amen di-co vo-bis, qui- a u-nus ex vo-bis tra-det me,

qui mandú-cat me-cum.

C. At illi cœpérunt contristári, et dícere ei singulátim: **S.** Numquid ego? **C.** Qui ait illis:

✠ Unus ex du- ó-de-cim, qui intíngit me-cum ma-num in ca-

tí-no. Et Fí- li- us quidem hó-mi-nis va-dit, sic-ut scriptum est

de e- o: væ au-tem hó-mi-ni il-li, per quem Fí- li- us hó-mi-nis

tra- dé-tur. Bo-num e-rat e- i, si non esset na-tus homo il-le.

C. Et manducántibus il-lis, accépit Jesus panem: et benedícens fregit, et dedit eis, et ait:

✠ Súmi- te, hoc est corpus me- um.

C. Et accépto cálice, grátias agens dedit eis: et bibérunt ex illo omnes. Et ait illis:

✠ Hic est sanguis me- us no-vi testaménti, qui pro mul-tis ef-fun-

dé-tur. Amen di-co vo-bis, qui- a jam non bi-bam de hoc ge-ní-

mi-ne vi- tis, usque in di- em il-lum, cum il-lud bi-bam no-vum

in regno De- i.

C. Et hymno dicto, exiérunt in montem Olivárum. Et ait eis Jesus:

✠ Omnes scanda- li-za-bími-ni in me in nocte i-sta: qui- a

scriptum est: Percú-ti- am pastó-rem, et dispergéntur o-ves.

Sed postquam re-surré-xe-ro, præcé-dam vos in Ga- li- læ- am.

C. Petrus autem ait illi: **S.** Et si omnes scandalizáti fúerint in te, sed non ego. **C.** Et ait illi Jesus:


✠ Amen di-co ti-bi, qui- a tu

hó-di- e in nocte hac, pri- úsquam gal-lus vo-cem bis dé-de-rit,



ter me es ne-ga- tú-rus.

C. At ille ámplius loquebátur: **S.** Et si oportúerit me simul côm-mori tibi, non te negábo.



C. Similiter autem et omnes dicébant. Et véniunt in prædium, cui nomen Gethsémani. Et ait discipulis suis:






C. Et assúmit Petrum, et Jacóbum, et Joánnem secum: et cœpit pavére, et tædere. Et ait illis:





C. Et cum processisset páululum, prócidit super terram: et orábat, ut si fieri posset, transíret ab eo hora: et dixit:





C. Et venit, et invénit eos dormiéntes. Et ait Petro:



C. Et iterum ábiens orávit, eúmdem sermónem dicens. Et revérsus dénuo invénit eos dormiéntes (erant enim óculi eórum graváti) et igno- rábant quid respondéreñt ei. Et venit tértio, et ait illis:




C. Et, adhuc eo loquente, venit Judas Iscariotes, unus de duodecim, et cum eo turba multa cum gladiis, et lignis, a summis sacerdotibus, et scribis, et senioribus. Dederat autem traditor ejus signum eis dicens: **S.** Quemcumque osculatus fuero, ipse est, tenete eum, et ducite caute. **C.** Et cum venisset, statim accedens ad eum, ait: **S.** Ave, Rabbi. **C.** Et osculatus est eum. At illi manus iniecerunt in eum, et tenuerunt eum. Unus autem quidam de circumstantibus, educens gladium, percussit servum summi sacerdotis: et amputavit illi auriculam. Et respondens Jesus, ait illis:




C. Tunc discipuli ejus relinquentes eum, omnes fugerunt. Adolēscens autem quidam sequebatur eum amictus sindone super nudo: et tenuerunt eum. At ille, rejecta sindone, nudus profugit ab eis. Et adduxerunt Jesum ad summum sacerdotem: et convenērunt omnes sacerdotes, et scribæ, et seniores. Petrus autem a longe secutus est eum usque intro in atrium summi sacerdotis: et sedebat cum ministris ad ignem, et cale-

faciēbat se. Summi vero sacerdotes, et omne concilium, quærēbant ad-
versus Jesum testimōnium, ut eum morti trāderent, nec inveniēbant.
Multi enim testimōnium falsum dicēbant adversus eum: et conveniētia
testimōnia non erant. Et quidam surgētes, falsum testimōnium ferēbant
adversus eum, dicētes: **S.** Quōniam nos audivimus eum dicētem: Ego
dissolvam templum hoc manufactum, et per trīdium aliud non manu-
factum ædificābo. **C.** Et non erat convēniens testimōnium illōrum. Et
exsurgens summus sacerdos in mēdium, interrogāvit Jesum, dicens:
S. Non respōdes quidquam ad ea, quæ tibi objiciūntur ab his? **C.** Ille
autem tacēbat, et nihil respōdit. Rursum summus sacerdos interro-
gābat eum, et dixit ei: **S.** Tu es Christus Fīlius Dei benedicti? **C.** Jesus
autem dixit illi:




✠ E-go sum: et vi-dé-bi-tis Fí-li-um hómi-nis se-déntem a



dextris vir-tú-tis De-i, et ve-ni-éntem cum nú-bi-bus cæ-li.


C. Summus autem sacerdos scindens vestimēta sua, ait: **S.** Quid
adhuc desiderāmus testes? Audistis blasphemiam: quid vobis vidētur?
C. Qui omnes condemnāverunt eum esse reum mortis. Et cœpērunt
quidam conspūere eum, et velāre faciē ejus, et cōlaphis eum cædere
et dicere ei: **S.** Prophetiza. **C.** Et ministri alapis eum cædebant. Et cum
esset Petrus in átrio deórsum, venit una ex ancillis summi sacerdotis:
et cum vidisset Petrum calefaciētem se, aspiciens illum, ait: **S.** Et tu
cum Jesu Nazareno eras. **C.** At ille negāvit, dicens: **S.** Neque scio,
neque novi quid dicas. **C.** Et éxiit foras ante átrium, et gallus cantāvit,
Rursus autem cum vidisset illum ancilla, cœpit dicere circumstāntibus:
Quia hic ex illis est. At ille iterum negāvit. Et post pusillum rursus qui
astābant, dicēbant Petro: **S.** Vere ex illis es: nam et Galilæus es. **C.** Ille
autem cœpit anathematizāre, et jurāre: Quia nescio hóminem istum,
quem dicitis. Et statim gallus iterum cantāvit. Et recordātus est Petrus
verbī, quod dixerat ei Jesus: Priúsqvam gallus cantet bis, ter me negā-
bis. Et cœpit flere. Et confestim mane consilium faciētes summi sacer-
dotes, cum senióribus, et scribis, et univérso concílio, vinciētes Jesum,
duxerunt, et tradiderunt Piláto. Et interrogāvit eum Pilátus: **S.** Tu es
Rex Judæórum? **C.** At ille respōdens, ait illi:




✠ Tu di- cis.

C. Et accusābant eum summi sacerdotes
in multis. Pilátus autem rursus interrogāvit
eum, dicens:

S. Non respôndes quidquam? vide in quantis te accúsant. **C.** Jesus autem ámplius nihil respôndit, ita ut mirarétur Pilátus. Per diem autem festum solébat dimittere illis unum ex vinctis, quemcúmque petíissent. Erat autem qui dicebátur Barábbas, qui cum seditiósus erat vinctus, qui in seditiône fécerat homicídium. Et cum ascendísset turba, cœpit rogáre, sicut semper faciébat illis. Pilátus autem respôndit eis, et dixit: **S.** Vultis dimittam vobis Regem Judæórum? **C.** Sciébat enim quod per invidiam tradidissent eum summi sacerdótes. Pontífices autem concitavérunt turbam, ut magis Barábbam dimitteret eis. Pilátus autem iterum respôndens, ait illis: **S.** Quid ergo vultis fáciam Regi Judæórum? **C.** At illi iterum clamavérunt: **S.** Crucifige eum. **C.** Pilátus vero dicébat illis: **S.** Quid enim mali fecit? **C.** At illi magis clamábant: **S.** Crucifige eum. **C.** Pilátus autem volens pópulo satisfácere, dimísit illis Barábbam, et trádedit Jesum flagéllis cæsum, ut crucifigerétur. Milites autem duxérunt eum in átrium prætórii, et cónvocant totam cohórtem, et induunt eum púrpura, et impónunt ei plecténtes spíneam corónam. Et cœpérunt salutáre eum: Ave, Rex Judæórum. Et percutiébant caput ejus arúndine: et conspuébant eum, et ponéntes génua, adorábant eum. Et postquam illusérunt ei, exuérunt illum púrpura, et induérunt eum vestiméntis suis: et educunt illum, ut crucifigerent eum. Et angariavérunt prætereúntem quémpiam, Simónem Cyrenæum, veniéntem de villa, patrem Alexándri, et Rufi, ut tólleret crucem ejus. Et perdúcunt illum in Gólgotha locum, quod est interpretátum Calváriæ locus. Et dabant ei bíbere myrrhátum vinum: et non accépit. Et crucifigéntes eum, divisérunt vestiménta ejus, mitténtes sortem super eis, quis quid tólleret. Erat autem hora tértia: et crucifixérunt eum. Et erat titulus causæ ejus inscriptus: Rex Judæórum. Et cum eo crucifigunt duos latrónes: unum a dextris, et álium a sinístris ejus. Et impléta est Scriptúra, quæ dicit: Et cum iníquis reputátus est. Et prætereúntes blasphemábant eum, movéntes cápita sua, et dicéntes: **C.** Vah, qui déstruis templum Dei, et in tribus diébus reædifícas: salvum fac temetípsum, descéndens de cruce. **C.** Simíliter et summi sacerdótes illudéntes, ad altérutrum cum scribis dicébant: **S.** Alios salvos fecit, seípsum non potest salvum fácere. Christus Rex Israël descéndat nunc de cruce, ut videámus, et credámus. **C.** Et qui cum eo crucifixi erant, convitiabántur ei. Et facta hora sexta, ténebræ factæ sunt per totam terram, usque in horam nonam. Et hora nona exclamávit Jesus voce magna dicens:



C. Quod est interpretátum:



C. Et quidam de circumstántibus audiéntes, dicébant: **S.** Ecce, Elián vocat. **C.** Currens autem unus, et implens spóngiam acéto, circumpónensque cálamo, potum dabat ei, dicens: **S.** Sínite, videámus si véniat Elías ad deponéndum eum. **C.** Jesus autem emíssa voce magna exspirávit.

Hic genuflectitur, et pausatur aliquantulum.

Et velum templi scissum est in duo, a summo usque deórsum. Videns autem centúrio, qui ex advérso stabat, quia sic clamans exspiráset, ait: **S.** Vere hic homo Filius Dei erat. **C.** Erant autem et mulieres de longe aspiciéntes: inter quas erat María Magdaléne, et María Jacóbi minóris, et Joseph mater, et Salóme: et cum esset in Galilæa, sequebántur eum, et ministrábant ei, et áliæ multæ quæ simul cum eo ascénderant Jerosólymam.

Quod sequitur, cantatur in tono Evangelii: et alla fiunt út supra in Dominica (pag. 11).

Et cum jam sero esset factum (quia erat Parascéve quod est ante Sábbatum) venit Joseph ab Arimathæa nóbilis decúrio, qui et ipse erat exspéctans regnum Dei, et audácter introívit ad Pilátum, et pétíit corpus Jesu. Pilátus autem mirabátur si jam obiisset. Et accersíto centurióne, interrogávit eum si jam mórtuus esset. Et cum cognovísset a centurióne, donávit corpus Jesu. Joseph autem mercátus síndonem, et depónens eum invólvit síndone, et pósuit eum in monuménto, quod erat excísus de petra, et advólvit lápidem ad óstium monuménti.




FERIA IV


MAJORIS HEBDOMADÆ





Passio Dómini nostri Jesu Christi secúndum Lucam. In illo témpore: Appropinquábat dies festus azymórum, qui dicitur Pascha: et quærébat príncipes sacerdotum, et scribæ, quómo Jesum interficerent: timébant vero plebem. Intrávit autem sátanás in Judam, qui cognominabátur Iscariótes, unum de duódecim. Et ábiit, et locútus est cum princípibus sacerdotum, et magistrátibus, quemádmódum illum tráderet eis. Et gavísi sunt, et pacti sunt pecúniám illi dare. Et spopóndit. Et quærébat opportunitátem ut tráderet illum sine turbis. Venit autem dies azymórum, in qua necesse erat occídi pascha. Et misit Petrum, et Joánnem, dicens:



 ✠ E- úntes pa-rá-te no-bis pascha, ut mandu- cémus.

C. At illi di-xé-runt: S. Ubi vis parémus? C. Et dixit ad eos:


 ✠ Ecce intro-e- únti-bus vo-bis in ci-vi-tá-tem, occúrret vo-bis


 homo qui-dam ámpho-ram aquæ portans: sequími-ni e- um in


 domum, in quam intrat, et di-cé-tis pa-tri-famí-li-as domus:


 Di-cit ti-bi Ma-gíster: U-bi est di-versó-ri-um, u-bi pascha

cum di-sci-pu-lis me-is mandú-cem? Et ipse osténdet vo-bis

cœ-ná-cu-lum magnum stra-tum, et i-bi pa-rá-te.

C. Eúntes autem invenérunt sicut dixit illis, et paravérunt pascha. Et cum facta esset hora, discúbuit, et duódecim Apóstoli cum eo. Et ait illis:

✠ De-si-dé-ri-o de-si-de-rá-vi hoc pascha mandu-cá-re vo-bíscum,

ántequam pá-ti-ar. Di-co e-nim vo-bis, qui-a ex hoc non

mandu-cá-bo il-lud, do-nec imple-á-tur in regno De-i.

C. Et accépto cá-lice, grátias egít, et dixit:

✠ Accí-pi-te, et di-vi-di-te inter vos.

Di-co e-nim vo-bis, quod non bi-bam de ge-ne-ra-ti-ó-ne






vi-tis, do-nec regnum De-i vé-ni-at.

C. Et accépto pane, grátias egít, et fregít, et dedit eis, dicens:



✠ Hoc est corpus me-um, quod pro vo-bis da-tur: hoc fá-ci-te



C. Simíliter et cáli-
cem, postquam coená-
vit, dicens:



C. Et ipsi coepérunt quærere inter se,
quis esset ex eis, qui hoc factúrus esset,
Facta est autem et conténtio inter eos,
quis eórum viderétur esse major. Dixit
autem eis:



céssor est, sic-ut mi-ni-strá-tor. Nam quis ma-jor est, qui re-cúmbit,

an qui mi-nístrat? nonne qui re-cúmbit? Ego au-tem in mé-

di-o vestrum sum, sic-ut qui mi-nístrat: vos au-tem e-stis,

qui permansístis me-cum in tenta-ti-ó-ni-bus me- is Et e-go

di-spó-no vo-bis, sic-ut dispó-su-it mi-hi Pa-ter me- us regnum,

ut edá-tis, et bi-bá-tis su-per mensam me-am in regno me-o,

et se-de- á-tis su-per thro-nos, ju-di-cántes du-ó-de-cim tri-bus

Isra- ěl.

C. Ait
autem Dó-
minus:

✠ Simon, Simon, ecce sá-ta-nas expe-

tí-vit vos, ut cribrá-ret sic-ut tri-ti-cum: e-go au-tem ro-gá-vi

pro te, ut non de-fi-ci-at fi-des tu-a: et tu a-liquándo

convérsus, confirma fratres tu-os.

C. Qui dixit ei: **S.** Dómi-ne, tecum parátus sum, et in cárcerem, et in mortem ire.
C. At ille dixit:

✠ Di-co ti-bi, Petre: Non cantá-bit hó-di-e gal-lus, do-nec ter

ábne-ges nosse me.

C. Et di-xit eis:

✠ Quando mi-si vos si-ne

sáccu-lo, et pe-ra, et calce-amén-tis, numquid á-li-quid dé-

fu-it vo-bis?

C. At illi dixerunt:
S. Nihil. **C.** Dixit er-go eis:

✠ Sed nunc, qui ha-bet


sáccu-lum, tol-lat simi-li-ter et pe-ram: et qui non ha-bet, vendat

tú-ni-cam su-am, et emat glá-di-um. Di-co e-nim vo-bis,


quóni-am adhuc hoc, quod scriptum est, opórtet implé-ri in me:





C. At illi dixerunt: S. Dó-
mine, ecce duo gládii hic.
C. At ille dixit eis:





C. Et egressus ibat secúndum consuetúdinem in montem Oli-
várum. Secúti sunt autem illum et discipuli. Et cum pervenisset ad
locum, dixit illis:




C. Et ipse avúlsus
est ab eis quantum
jactus est lápidis, et
póstitis génibus orá-
bat, dicens:




C. Appáruit autem illi Angelus
de cælo, confórtans eum. Et factus
in agonia, prolixius orábat. Et factus
est sudor ejus, sicut guttæ sángu-
nis decurréntis in terram. Et cum surrexisset ab oratióne, et venisset
ad discipulos suos, invénit eos dormiéntes præ tristítia. Et ait illis:






C. Adhuc eo loquente, ecce turba: et qui voca-
bátur Judas, unus de duódecim, antecedébat eos:
et appropinquávit Jesu, ut oscularétur eum. Jesus
autem dixit illi:



C. Videntes autem hi, qui circa ipsum erant, quod futurum erat, dixerunt ei: **S.** Dómine, si percútimus in gládio? **C.** Et percússit unus ex illis servum principis sacerdotum, et amputávit aurículam ejus dexteram. Respóndens autem Jesus, ait:



C. Et cum tetigisset aurículam ejus, sanávit eum. Dixit autem Jesus ad eos, qui vénerant ad se, principes sacerdotum et magistrátus templi, et senióres:




C. Comprehendentes autem eum, duxerunt ad domum principis sacerdotum. Petrus vero sequebatur a longe. Accenso autem igne in medio átrii, et circumsedéntibus illis, erat Petrus in medio eórum. Quem cum vidisset ancilla quædam sedéntem ad lumen, et eum fuisset intúita, dixit: **S.** Et hic cum illo erat. **C.** At ille negávit eum, dicens: **S.** Múlier, non novi illum. **C.** Et post pusillum álius videns eum, dixit: **S.** Et tu de illis es. **C.** Petrus vero ait: **S.** O homo, non sum. **C.** Et intervállo facto quasi horæ unius, álius quidam affirmábat, dicens: **S.** Vere et hic cum illo erat: nam et Galilæus est. **C.** Et ait Petrus. **S.** Homo, nescio quid dicis. **C.** Et continuo adhuc illo loquente cantávit gallus. Et conversus Dóminus respéxit Petrum. Et recordátus est Petrus verbi Dómini, sicut dixerat: Quia priúsqum gallus cantet, ter me negábis. Et egréssus foras Petrus flevit amáre. Et viri qui tenébant illum, illudébant ei, cædéntes. Et velavérunt eum, et percutiébant faciém ejus: et interrogábant eum, dicéntes: **S.** Prophetíza, quis est, qui te percússit? **C.** Et ália multa blasphemántes dicébant in eum. Et ut factus est dies, convenérunt senióres plebis, et principes sacerdotum, et scribæ, et duxerunt illum in concílium suum, dicéntes: **S.** Si tu es Christus, dic nobis. **C.** Et ait illis:




✠ Si vo-bis dí-xe-ro, non cre-dé-tis mi-hi: si autem et interro-
gá-ve-ro, non respondé-bi-tis mi-hi, neque di-mit-té-tis. Ex hoc
au-tem e-rit Fí-li-us hó-mi-nis se-dens a dextris virtú-tis De-i.

C. Dixérunt autem
omnes: **S.** Tu ergo es
Filius Dei? **C.** Qui ait:



✠ Vos dí-ci-tis, qui-a e-go sum.

C. At illi dixérunt: **S.** Quid adhuc desiderámus testimónium? Ipsi enim audívimus de ore ejus. **C.** Et surgens omnis multitúdo eórum, duxérunt illum ad Pilátum. Cœpérunt autem illum accusáre, dicéntes: **S.** Hunc invénimus subverténtem gentem nostram, et prohibéntem tribúta dare Cæsari, et dicéntem se Christum regem esse. **C.** Pilátus autem interrogávit eum, dicens: **S.** Tu es Rex Judæórum? **C.** At ille respóndens, ait:



✠ Tu dí-cis.

C. Ait autem Pilátus ad principes sacerdotum, et turbas: **S.** Nihil invénio causæ in hoc hómine. **C.** At illi invalescébant, dicéntes: **S.** Cóm-movet pópulum, docens per univérsam Judæam, incípiens a Galilæa usque huc. **C.** Pilátus autem áudiens Galilæam, interrogávit si homo Galilæus esset. Et ut cognóvit quod de Heródis potestáte esset, remisit eum ad Heródem, qui et ipse Jerosólymis erat illis diébus. Heródes autem viso Jesu gávisus est valde. Erat enim cúpiens ex multo témpore vidére eum, eo quod audierat multa de eo, et sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem principes sacerdotum, et scribæ constánter accusántes eum. Sprevit autem illum Heródes cum exercitu suo: et illúsit indútum veste alba, et remisit ad Pilátum. Et facti sunt amici Heródes, et Pilátus in ipsa die: nam ántea inimíci erant ad invicem. Pilátus autem convocátis princípibus sacerdotum, et magistrátibus, et plebe, dixit ad illos: **C.** Obtulistis mihi hunc hóminem, quasi averténtem pópulum, et ecce ego coram vobis intérogans, nullam causam invéni in hómine isto ex his, in quibus eum accusátis. Sed neque Heródes: nam remisi vos ad illum,

et ecce nihil dignum morte actum est ei. Emendatum ergo illum dimittam. **C.** Necesse autem habebat dimittere eis per diem festum, unum. Exclamavit autem simul universa turba, dicens: **S.** Tolle hunc, et dimitte nobis Barabbam. **C.** Qui erat propter seditionem quamdam factam in civitate, et homicidium, missus in carcerem. Iterum autem Pilatus locutus est ad eos, volens dimittere Jesum. At illi succlamabant, dicentes: **S.** Crucifige, crucifige eum. **C.** Ille autem tertio dixit ad illos: **S.** Quid enim mali fecit iste? Nullam causam mortis invenio in eo: corripiam ergo illum, et dimittam. **C.** At illi instabant vocibus magnis, postulantes ut crucifigeretur. Et invalescabant voces eorum. Et Pilatus adjudicavit fieri petitionem eorum. Dimisit autem illis eum, qui propter homicidium, et seditionem missus fuerat in carcerem, quem petebant: Jesum vero tradidit voluntati eorum. Et cum ducerent eum, apprehenderunt Simonem quemdam Cyrenensem, venientem de villa: et imposuerunt illi crucem portare post Jesum. Sequebatur autem illum multa turba populi, et mulierum, quæ plangebant, et lamentabantur eum. Conversus autem ad illas Jesus dixit:

✠ Fi- li- æ Je- rú- sa- lem, no- li- te fle- re su- per me, sed super vos

ipsas fle- te, et su- per fi- li- os vestros. Quóni- am ecce vé- ni- ent


di- es, in quibus di- cent: Be- á- tæ sté- ri- les, et ventres, qui non

ge- nu- é- runt, et úbe- ra, quæ non lacta- vé- runt. Tunc incí- pi- ent di-

ce- re mónti- bus: Cá- di- te su- per nos: et cól- libus: Ope- ri- te nos.

Qui- a si in ví- ri- di ligno hæc fá- ci- unt, in á- ri- do quid fi- et?

C. Ducebántur autem et álii duo nequam cum eo, ut interficeréntur. Et postquam venérunt in locum, qui vocátur Calvária, ibi crucifixérunt eum: et latrónes, unum a dextris, et álterum a sinistris. Jesus autem dicébat:



C. Dividéntes vero vestiménta ejus, misérunt sortes. Et stabat pópulus spectans, et deribébant eum principes cum eis, dicéntes: **S.** Alios salvos fecit: se salvum fáciat, si hic est Christus Dei eléctus. **C.** Illudébant autem ei et milites accedéntes, et acétum offeréntes ei, et dicéntes: **S.** Si tu es Rex Judæórum, salvum te fac. **C.** Erat autem et superscriptio scripta super eum litteris græcis, et latinis, et hebráicis: Hic est Rex Judæórum. Unus autem de his, qui pendébant, latrónibus, blasphemábat eum, dicens: **S.** Si tu es Christus, salvum fac temetípsum, et nos. **C.** Respóndens autem alter increpábat eum, dicens: **S.** Neque tu times Deum, quod in eádém damnatióne es. Et nos quidem juste, nam digna factis recipimus: hic vero nihil mali gessit. **C.** Et dicébat ad Jesum: **S.** Dómine, meménto mei, cum véneris in regnum tuum. **C.** Et dixit illi Jesus:



C. Erat autem fere hora sexta, et ténebræ factæ sunt in univérsam terram usque in horam nonam. Et obscurátus est sol: et velum templi scissum est médium. Et clamans voce magna Jesus, ait:



C. Et hæc dicens, expirávit.

Hic genuflectitur, et pausatur aliquantulum.

Videns autem centúrio quod factum fúerat, glorificávit Deum, dicens: **S.** Vere hic homo justus erat. **C.** Et omnis turba eórum, qui

simul áderant ad spectáculum istud, et vidébant quæ fiébant, percutiéntes pectora sua revertébantur. Stabant autem omnes noti ejus a longe, et mulieres, quæ secútæ eum erant a Galilæa, hæc vidéntes.


Quod sequitur, legitur in tono Evangelii: et alia fiunt ut supra in Dominica (pag. 11).

Et ecce vir nómine Joseph, qui erat decúrio, vir bonus et justus: hic non consenserat consilio, et áctibus eórum, ab Arimathæa civitaté Judææ, qui exspectábat et ipse regnum Dei. Hic accéssit ad Pilátum, et pétiiit corpus Jesu; et depósitum invólvit síndone, et pósuit eum in monuménto exciso, in quo nondum quisquam pósitus fúerat.



FERIA VI IN PARASCEVE

Passio Dómini nostri Jesu Christi secúndum Joánnem. In illo tēpore: Egrēssus est Jesus cum discipulis suis trans torrentem Cedron, ubi erat hortus, in quem introivit ipse, et discipuli ejus. Sciēbat autem et Judas, qui tradēbat eum, locum: quia frequēter Jesus convēnerat illuc cum discipulis suis. Judas ergo cum accepisset cohórtem, et a pontificibus et pharisæis ministros, venit illuc cum latērnis, et fācibus, et armis. Jesus itaque sciens ómnia quæ ventúra erant super eum, processit, et dixit eis:



✠ Quem quæ-ri- tis?

C. Respondérunt ei:
S. Jesum Nazarénum.
C. Dicit eis Jesus:



✠ E-go sum.

C. Stabat autem et Judas, qui tradēbat eum, cum ipsis. Ut ergo dixit eis: Ego sum: abiérunt retrórsum, et cecidérunt in terram. Iterum ergo interrogávit eos:



✠ Quem quæ-ri- tis?

C. Illi autem dixérunt: **S.** Jesum Nazarénum. **C.** Respóndit Jēsus:



Di-xi vo-bis, qui-a eg-o sum: si ergo me quæri- tis, sí-ni-te



hos ab- i- re.

C. Ut implerétur sermo, quem dixit: Quia quos dedisti mihi, non pérdidi ex eis quemquam. Simon ergo Petrus habens gládium edúxit eum: et percússit pontificis servum: et abscidit aurículam ejus dēxeram. Erat autem nomen servo Malchus. Dixit ergo Jesus Petro:



✠ Mit-te glá-di- um tu- um in va- gi-nam. Cá- li- cem, quem de- dit



mi- hi Pa- ter, non bi- bam il- lum?

C. Cohors ergo, et tribúnus, et ministri Judæórum comprehendérunt Jesum, et ligavérunt eum: et adduxérunt eum ad Annam primum, erat enim socer Cáiphæ, qui

erat pón-ti-fex anni illius. Erat autem Cáiphás, qui consílium déderat Judæis: Quia éxpedit, unum hóminem mori pro pópulo. Sequebátur autem Jesum Simon Petrus, et álius discipulus. Discipulus autem ille erat notus pontífici, et introívit cum Jesu in átrium pontíficis. Petrus autem stabat ad óstium foris. Exívit ergo discipulus álius, qui erat notus pontífici, et dixit ostiáriæ: et introdúxit Petrum. Dicit ergo Petro ancilla ostiária: **S.** Numquid et tu ex discipulis es hóminis istius? **C.** Dicit ille: **S.** Non sum. **C.** Stabant autem servi, et ministri ad prunas, quia frigus erat, et calefaciébant se. Erat autem cum eis et Petrus stans, et calefaci-ens se. Pón-ti-fex ergo interrogávit Jesum de discipulis suis, et de doctrina ejus. Respóndit ei Jesus:




✠ E-go pa- lam lo- cú- tus sum mundo: e- go semper dó- cu- i in



syna- góga, et in templo, quo omnes Judæ- i convé- ni- unt: et in



occúlto lo- cú- tus sum ni- hil. Quid me intérrogas? intérroga



e- os, qui au- di- é- runt quid lo- cú- tus sim ipsis: ecce hi sci- unt



quæ di- xe- rim e- go.

C. Hæc autem cum dixisset, unus assistens ministrórum dedit álapam Jesu, dicens: Sic respóndes pontífici? Respóndit ei Jesus:

✠ Si ma-le lo-cú-tus sum, testimô-ni- um pérhi-be de ma-lo:

si au-tem bene, quid me cæ-dis?

quid et tu ex discipulis ejus es? **C.** Negávit ille, et dixit: **S.** Non sum, **C.** Dicit ei unus ex servis pontificis, cognátus ejus, cujus abscidit Petrus auriculam: **S.** Nonne ego te vidi in horto cum illo? **C.** Iterum ergo negávit Petrus: et statim gallus cantávit. Addúcunt ergo Jesum a Cáipha in prætóríum. Erat autem mane: et ipsi non introiérunt in prætóríum ut non contaminaréntur, sed ut manducárent pascha. Exívit ergo Pilátus ad eos foras, et dixit: **S.** Quam accusatió-nem affértis advérsus hóminem hunc? **C.** Respondérunt, et dixerunt ei: Si non esset hic malefáctor, non tibi tradidissémus eum. **C.** Dixit eis Pilátus: **S.** Accípite eum vos, et secúndum legem vestram judicáte eum. **C.** Dixerunt ergo et Judæi: **S.** Nobis non licet interficere quemquam. **S.** Ut sermo Jesu implerétur, quem dixit, significans qua morte esset moritúrus. Introívit ergo iterum in prætóríum Pilátus, et vocávit Jesum, et dixit ei: **S.** Tu es Rex Judæórum? **C.** Respóndit Jesus:

✠ A temet-ípso hoc di-cis, an á-li- i di-xé-runt ti-bi de me?

C. Respóndit Pilátus: **S.** Numquid ego Judæus sum? Gens tua, et pontífices tradidérunt te mihi: quid fecisti? **C.** Respóndit Jesus:

✠ Regnum me-um non est de hoc mundo. Si ex hoc mundo

esset regnum me-um, mi-nistri me- i ú-tique de-certá-rent ut non


trá-de-rer Ju-dæ- is: nunc autem regnum me-um non est hinc.

C. Dixit itaque ei Pilátus: **S.** Ergo Rex es tu? **C.** Respondit Jesus:



✠ Tu di-cis, qui-a Rex sum e-go. Ego in hoc na-tus sum,
et ad hoc ve-ni in mundum, ut testimó-ni-um perhi-be-am ve-
ri- tá-ti: omnis qui est ex ve-ri- tá-te, au-dit vo-cem me-am.

C. Dicit ei Pilátus: **S.** Quid est veritas? **C.** Et cum hoc dixisset, iterum exiit ad Judæos, et dicit eis: **S.** Ego nullam invénio in eo causam. Est autem consuetúdo vobis, ut unum dimittam vobis in Pascha: vultis ergo dimittam vobis Regem Judæórum? **C.** Clamavérunt ergo rursum omnes, dicentes: **S.** Non hunc, sed Barábbam. **C.** Erat autem Barábbas latro. Tunc ergo apprehéndit Pilátus Jesum, et flagellávit. Et milites plecténtes coronam de spinis, imposuérunt cápiti ejus: et veste purpúrea circumdedérunt eum. Et veniébant ad eum, et dicébant: **S.** Ave Rex Judæórum. **C.** Et dabant ei álapas. Exiit ergo iterum Pilátus foras, et dicit eis: **S.** Ecce addúco vobis eum foras, ut cognoscátis, quia nullam invénio in eo causam. **C.** (Exiit ergo Jesus portans coronam spineam, et purpúreum vestiméntum). Et dicit eis: **S.** Ecce homo. **C.** Cum ergo vidissent eum pontífices et ministri, clamábant dicentes: **S.** Crucifige, crucifige eum. **C.** Dicit eis Pilátus: **S.** Accipite eum vos et crucifigite: ego enim non invénio in eo causam. **C.** Respondérunt ei Judæi: **S.** Nos legem habémus, et secúndum legem debet mori, quia Fílium Dei se fecit. **C.** Cum ergo audisset Pilátus hunc sermónem, magis tímuit. Et ingressus est prætóríum iterum: et dixit ad Jesum: **S.** Unde es tu? **C.** Jesus autem respónsum non dedit ei. Dicit ergo ei Pilátus: **S.** Mihi non lóqueris? nescis quia potestátem hábeo crucifigere te, et potestátem hábeo dimittere te? **C.** Respondit Jesus:



✠ Non ha-bé-res po-testá-tem advérsus me ul-lam, ni-si ti-bi
da-tum esset dé-su-per. Proptér-e-a, qui me trá-di-dit ti-bi,




ma-jus peccá-tum ha-bet.

audisset hos sermónes, addúxit foras Jesum, et sedit pro tribunáli, in loco qui dicitur Lithóstrotos, hebráice autem Gábbatha. Erat autem Parasceve Paschæ, hora quasi sexta. Et dicit Judæis: **S.** Ecce Rex vester. **C.** Illi autem clamábant: **S.** Tolle, tolle, crucifige eum. **C.** Dicit eis Pilátus: **S.** Regem vestrum crucifigam? **C.** Respondérunt pontífices: **S.** Non habémus regem, nisi Cæsarem. **C.** Tunc ergo trádidit eis illum ut crucifigerétur. Suscepérunt autem Jesum, et eduxérunt. Et bájulans sibi crucem, exívit in eum, qui dicitur Calváriæ, locum, hebráice autem Gólgotha: ubi crucifixérunt eum, et cum eo álios duos, hinc et hinc, médium autem Jesum. Scripsit autem et titulum Pilátus: et pósuit super crucem. Erat autem scriptum: Jesus Nazarénus, Rex Judæórum. Hunc ergo titulum multi Judæórum legérunt, qui prope civitátem erat locus, ubi crucifixus est Jesus. Et erat scriptum hebráice, græce, et latine. Dicébant ergo Piláto Pontífices Judæórum: **S.** Noli scribere, Rex Judæórum sed quia ipse dixit: Rex sum Judæórum. **C.** Respóndit Pilátus: **S.** Quod scripsi, scripsi. **C.** Milites ergo cum crucifixíssent eum, accepérunt vestiménta ejus (et fecérunt quátuor partes: unicuique militi partem), et túnica. Erat autem túnica inconsútilis, désuper contéxta per totum. Dixérunt ergo ad invicem: **S.** Non scindámus eam, sed sortiámur de illa cujus sit. **C.** Ut Scriptúra implerétur, dicens: Partiti sunt vestiménta mea sibi: et in vestem meam misérunt sortem. Et milites quidem hæc fecérunt. Stabant autem juxta crucem Jesu, mater ejus, et soror matris ejus María Cléophæ, et María Magdaléne. Cum vidisset ergo Jesus matrem, et discipulum stantem quem diligébat, dicit matri suæ:



✠ Mú- li- er, ecce fí- li- us tu- us.

C. Deínde dicit discipulo:




✠ Ecce ma-ter tu- a.

C. Et ex illa hora accépit eam discipulus in sua. Póstea sciens Jesus quia ómnia consummáta sunt, ut consummaretur Scriptúra, dixit:



✠ Sí- ti- o.

C. Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit:



C. Et inclináto cápite, trádedit spíritum.

✠ Consum-má- tum est.

Hic genuflectitur, et pausatur allquantulum.

Judæi ergo (quóniam parascève erat), ut non remanérent in cruce córpora sábbato (erat enim mágnus dies ille sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifixus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura: sed unus militum láncea latus ejus apérui, et continuo exívit sanguis, et aqua. Et qui vidit, testimónium perhíbuit: et verum est testimónium ejus. Et ille scit, quia vera dicit: ut et vos credátis. Facta sunt enim hæc, ut scriptúra implerétur: Os non minuétis ex eo. Et iterum ália Scriptúra dicit: Vidébunt in quem transfixérunt.

Quod sequitur, legitur in tono Evangelii: et dicitur Munda cor meum, sed non petitur benedictio, et non deferuntur luminaria, neque incensum, et Celebrans in fine non osculatur librum.

Post hæc autem rogávit Pilátum Joseph ab Arimathæa (eo quod esset discipulus Jesu, occúltus autem propter metum Judæórum), ut tólleret corpus Jesu. Et permísit Pilátus. Venit ergo, et tulit corpus Jesu. Venit autem et Nicodémus, qui vénerat ad Jesum nocte primum, ferens mixtúram myrrhæ, et áloës, quasi libras centum. Accepérunt ergo corpus Jesu, et ligavérunt illud línteis cum aromátibus, sicut mos est Judæis sepelíre. Erat autem in loco, ubi crucifixus est, hortus: et in horto monuméntum novum, in quo nondum quisquam pósitus erat. Ibi ergo propter Parascéven Judæórum, quia juxta erat monuméntum, posuérunt Jesum.

